

...segun mr. Karel Frielink di Orden di Abogado...

DIPUTADO ROSALIA NO A MUSTRA EHEMPEL DI KONTENIDO DI SU FUNSHON

...miéntras e Órden a kritiká un abogado na Aruba i Jules Eidsen...

WILLEMSTAD, - Órden di Abogado tabatin crítica fuerte riba tres suseso ku a sosodé den komunidad di Aruba i Kòrsou. E órden a lansa kritiká riba deklarashon di un abogado na Aruba, deklarashon di Jules Eidsen riba e persona di gobernadó i finalmente deklarashon di diputado Rosalia.

Mr. Karel Frielink na instalashon di kuater wes pa Korte Komun di Antia i

Aruba a trese e kritiká aki mayornan.

El a indiká ku bou di un lider e ta komprondé un persona kende ku su komportashon òf deklarashonnan tin influensha riba komunidad. Bou di lider ta kai por ehèmpel polítikonan, bankeronan, wesnan, presidente di sindikatonan, artista, i abogadoan, pero tambe maestronan, instruktornan di deporte i

Relashoná ku esaki, *Sigui liña pagina 40*



Kontinuashon pag. 4
DIPUTADO

mr. Frielink a mostra riba un kaso resien ku a shòk komunidad di Aruba, ora ku un abogado, kende tambe ta di Orden di Abogado, públikamente a kalifiká sentensia di wes komo un "porkeria". Esaki a pone ku e wes a para tur su funshonnan sekundario i hasta esun di wes di prensa.

Abogadonan ta lider ku tin un funshon di ehèmpel manera el a bisa anteriormente. Un abogado tin derecho di sali na defensa di su kliente. Pero no pa hasi deklarashonnan ofensivo, i esei ta konta tambe pa un wes. Mester puntra ta pakiko un abogado lo bisa algu asina? E ke atvertí hende kontra di un desaroyo ku ta menasante pa nos estado di derecho? Of e ta buska publisidat pa ventilá frustrashon di su kliente? E abogado mester para ketu na e pregunta ken ta su oponente den e diskushon públiko. E ta hasi diferensia di ta e oponente di un polítiko òf di un wes. Un polítiko ta un figura públiko i por defendé su mes. Naturalmente un abogado por krítika un sentensia públikamente, pero di otro banda no ta nesesario pa

ofendé bo oponente kual ta e wes, i di otro banda komo un funshon di ehèmpel e mester puntra ta ki efekto e ke haña ku su deklarashon.

E di dos kaso ta deklarashon di Jules Eisden riba nombramentu di gobernadó. Tambe e persona ku gobernadó interino ta kasá kuné. Den ámbos kaso a papia unda nan a nase. E kriteria ku Eisden ke pa usa pa nombra un gobernadó ta kontra di lei. Esaki no ta kita ku a base di libertat di ekspreshon e por trese su punto di bista dilanti.

Señor Frielink a bisa ku Eisden, un eks minister i tambe konsehero prinsipal di un partido polítiko, tambe tin un funshon di ehèmpel. Su deklarashon riba orígen di hende ta un señal robes ku e ta manda den komunidad. E tambe mester a komport'é komo un líder virtuoso.

E último ku mr. Frielink a krítika fuertemente ta diputado Rosalia, ku su deklarashon riba ki tipo di hende ta forma nos komunidad. P'esei e ta indiká

ku e deklarashon di Rosalia ta unu ku no ta kuadra ku e funshon di ehèmpel ku e tin komo diputado. Ademas e ta

diputado di tur suidatano di Kòrsou, i no solamente di esnan ku segun e ta karga nos kultura.